



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Eius studium contemplationis, precationisque. cap. 14.

urn:nbn:de:hbz:466:1-10502

menta; quibus sacrum vestitum traheret nouit a virginis rem conficit: concionem habet ad sacrum coetum: demum post duas, op in or, horas, cu exijsset; vocat, negotiumq; admittit. res ita se habuit, vt opportuna fuerit ea dilatio. eundē se præstit, cum in ædibus seminarij in re nō ita magni momenti, sed sacra occupatus es- set; nunciusque Roma, quem magno desiderio expeditabat, ob negotium grauissimum adueniisset. nisi enim re perfecta, quam in manibus habebat; nuncio aditum non dedit. Inde corum iudicabat rebus sacris interponere, sacrove loco admittere quidquam externum: sed simul etiam voluntate, ac desiderio reprimendo se exercebat; in quo studio, licet de re non magni momenti agatur, magnū tamen ad virtutem esse momentum existimatur. si de sacris reliquijs, alijsve rebus eiusmodi, vt s̄pē fit, aliquando dubium aliquid incideret; in eam partem semper propendebat, qui religiosior videretur, & magis pia. Antiquitati, maiorumque consuetudini plurimum tribuebat. Si ecclesiam viseret religionis gratia; quoniam sunt loca s̄pē, vel facella plura, quibus varijs de caussis vulgo cultus adhibetur; adibat omnia diligenter, & vel rudiorum hominum pian consuetudinem in eo imitabatur.

**XIIII. studiā
contemplationis,
præstationisq.
CAP. XIV.**

Deum orandi, diuinæq; meditandi studiosissimus fuit. cui studio cum se tradiderat, ita mente atque animo solebat hæreare, atque ita si tempus datur, in intimas rerum spiritualium cogitationes sese coniiciebat; vt ab alijs omnibus, vir incredibiliter occupatus, sese abstractum præberet. id ipsi partim etiam ob vehementis applicationis, occupationisque in omni genere consuetudinem eueniebat; de quo iam attigimus. cum interdiu negotijs distineretur; nocturnum tempus ad orandum sumebat. cum-

que magni momenti res incidebant, ipsas noctes precando consumebat. locum ad eum usum sibi parauerat, visitato sibi cubiculo proximum; ita remotum, vt aliquis familiarium tamē s̄pē gemitus exaudiret. Præter has quotidianas exercitationes, tum extraordinarias quoque multas, quæ præcipuum studium, spatumque longius requirebant: bis in anno saltem ab urbe discedebat, seque in remotis, solitarijsve locis colligens, plures dies totos ab omni alia, occupatione liber, tum superioris temporis errata dolebat; tum sese spirituibus, diuinisque contemplationibus ad maiorem sanctitatem incitabat. qua de re supra non semel attigimus. Inde autem cœlesti pabulo reflectis animi viribus, ad sua curricula recens, alacrisque descendebat. Præterea vero, quod perpetuæ supplicationis genus existimatur; qualcumque res ageret; ita se comparabat, vt neque diuinæ præsentiae memoriam, neque motuum animi sui custodiam desereret: cum idem tamē, quæ essent in manibus, tam perfecte tractaret; ac in omnes cuiusque rei partes tam acriter, vt dividimus, acie mentis penetraret; vt nihil fieri posse videretur accuratius videbatur autem, si quis attenderet, in ipsa rerum tractatione interduo modico spatio, ab ijs quæ agebat, mente abstrahi; alias subito commoueri, speciem flentis nonnumquam præ se ferre. Ex eadem vigilantia, suiq; ipsius custodia siebat; vt quidquid ad eum quis afferret, paratum animo semper, semper cautum inueniret; ne villa re, vel nimis commoueretur, vel offendiceret aliquo modo. Episcopo, dicebat, utpote rebus sacris administrandis assidue occupato, eam maxime custodiam conuenire: ne actio à spirituali meditacione penitus umquam distraheretur. Itineris tēpus ita columebat, vt nisi quis

quis interim audiendus, vel cum aliquo esset colloquendum; in rebus divinis semper animum desigeret; atque ita raperetur, ut pene sensuum intermitterentur officia. In Deciana via, cum iter noctu, densissimi te nebris faceret, & in foveas quasdam delapsus esset; inula super eum facente, comitibus visus est, & in primis Cæsari Speciano, qui nobis postea Episcopus narravit, ita permanisse in meditatione sua; vt ne de exitu quidem cogitaret; donec comites ac censis facibus regressi, eum nihil querentem, aut dicentem, extraherent. madidus vero, ac lutulentus nihilo minus hilari vultu Mediolanum venit. interdum ita mula offendebat, vt procumberet. ipse vero, nisi corrue ret penitus, nihil plerumque animaduertebat. A rebus nouis nunciandis, vel audiendis abhorrebat; præcipuum importari dicebat ex ea curiositate, spiritualem vitam agentibus detrimentum. si quid ab amicis absentibus nunciaretur, noui quod ad munus suum minime putaret pertinere; nihil, aut quantum officio seruando solum necesse esset, respondebat. quod satis docent eiusmodi litterarum responsiones eius breuissimæ. si quis quacumque dignitate adiret salutandi caussa; & de rebus eiusmodi vel percunetaretur, ut vulgo fit, aut referret; ipse vel tacebat; vel alium, eumque utilem sermonem inferebat. Ita se a rebus humanis auertebat; vt frequenter dies, & pene menses, qui agebantur, ignoraret. Sed vita postremo tempore multo magis incitatus, ita sacris cogitationibus, contemplationibusque de ditus erat; vt aliquid etiam operæ necessaria, suæ subtrahere videtur administrationi; illius operæ faltem, quæ ministris, alijsque audi endis, qui consulerent, danda erat. omnino ab eiusmodi studio nullo modo videbatur posse diuelli, quo tem-

pore, quæ Christus Dominus pertulit, ea diligenter ad meditandum per particulas distribuisse, viamque, & rationem meditandi, precandique composuisse commemorauimus. De cetero ita contemplationem coluit, ut actionem semper, salutemque mortalium respiceret. itaque si qui a rebus publicis abstinere; quieti se tradere; sibique tantum, licet sanctè, viuere vellent; his haud facile concedebat. ægreque adducebatur, vt cuiquam manus imponeret, si pri uati spiritualis fructus tantum gratia id peteret, ac non certæ ecclesiæ, certoque muneri vellet addici, cultuque diuino publice operam dare. ad eam rem tum sacris legibus in primis mouebatur; tum sensu quoque suo; qui sacros homines prodire; in negotijs sacris versari; de plurimis ad salutem benemereri; ad Antistitis iussus paratos se, facileisque præbere; neque otium, neque spiritualem quietem, ac ne illa quidem, quæ ad victimum necessaria essent, respiceret: incommoda, & difficultates: locorum, munierumque mutationes pati, omnes volebat, atque hortabatur: eos maxime, quos licet probos, & diuinorum rerum studiosos: sibi tam libenter parcere: arbitrij sui, potestatisque ius studiose conservare: ijs, quæ ipsi sentirent adhæscere, alijs vero difficile assentire, videret. Cum ita ipse affectus, animoq; paratus esset: ad eandem sententiam maxime conformari cupiebat clericos suos: & eos cù se offerret occasio singuli quodam ad id studio erudiebat. Domesticos suos, vel clericos ele git, vel eos, qui essent in clericorum instituta, disciplinamque propensi. omnino autem eos, qui virtute, officijs, consuetudineque quotidiana, Deo dicatis viris esent, quam aulicis similiores. curabat eam rem, cum aliquem recepturus erat, per hominem probatae fidei testimonia: sed ipse

Familia, &
in ægrotos
misericor-
dia.
CAP. XV.